



## **1 2010/2011 Boazodoallošiehtadus**

Šiehtadallanlávdegottit leat ovttamielalašvuodain dohkkehan 2010/2011 boazodoallošiehtadusa mii lea gustovaš 2010 suoidnemánu 1.beivvi rájes gitta 2010 geassemánu 30.beivvi rádjai. Šiehtadusteaksta lea dárkkistuvvon ja vuolláičállojuvvon.

Šiehtadallanbealit leat ovttaskas poasttaid ja ortnegiid ektui ovttamielalačča:

### **Poasta 51: Boazodoalu ovdánahttininfoanda (BOF)**

#### **Rievdadit BOF ulbmilmearrádusa:**

Bealit leat ovttamielalaččat soahpan čuovvovaš ulbmilmearrádusa BOF:i

*“Boazodoalu ovdánahttininfoanda galgá ekonomalaš doaibmabijuidis bakte váikkuhit boazoealáhusa ovdánahttimis boazodoallopolitihkalaš áigumušaid mielde. Ekonomalaš rámmat ja láidesteamit muđui mearriduvvojit go Stuorradiggi gieđahallá boazodoallošiehtadusa proposišuvnnaid ja jahkásaš stáhtabušehta”.*

#### **Boazodoalu ovdánahttininfoandda stivra:**

Boazodoalu ovdánahttininfoandda stivrras galget leat njeallje miellahtu ja nammaduvvojit guovtti jahkái ain hávil. Šiehtadallanbealit lea ovttamielalačča ahte dálá Boazodoallostivrra jođiheaddji nammaduvvo BOF-stivrra jođiheaddjin. Muđui nammada LMD ovtta áirasa, ja NBR nammada guokte áirasa. Vai stivra lea mearridanválddalaš, addo jođiheaddjái duppalljietna jienasteami oktavuodas. Stivra galgá leat doaimmas 2010 suoidnemánu 1.beivvi rájes.

#### **Dutkan ja ovdánahttin:**

Dutkanruđaid stivra BOF siskkobeaalde heaittihuvvo. 2010/2011 boazodoallošiehtadusa rájes BOF – stivra maiddá meannuda dutkanohcamušaid.

#### **Suvdimis bohccuid:**

Bohccuid suvdima galgá ain stáhta boazodoallohálddahusa bakte hálddašit. Suvdingolut máksojuvvjit boazodoallošiehtadusa bakte.

#### **Boazodoalu árvoháhkanprográmma (ÁHP-boazu):**

ÁHP-boazu galgá ain Innovašuvdna Norga (IN) hálddašit. Buori áiggis ovdal go 2010/2011 boazodoallošiehtadus bidjo fápmui, de čađahuvvo čoahkkin IN váldokantuvrrain ságastallamis báikki gosa hálddahus ja prográmma galgá sajáiduvvat.

Váldoulbmil ja ÁHP oasseulbmilat galget jotkojuvvot. Lea dárbblaš vuoruhit ja čuovvut daid fitnodagaid mat juo leat ásahuvvon ÁHP-bohcco doarjagiin. Guovddáš vuoruhansuorggit vai nanne dáid fitnodagaid vuođu ain ovddasguvlui ovdánit sáhttet leat:

- Gealbolokten ja bagadallan fidnodoaimma ektui.

- Vuovdalangelbbolašvuohta ja vuovdalanbargu, dáikko bakte buktagiid juogadančovdosiid vai sihkarastá ahte bohccobiergu olle vuovdinmárkanii, ja márkanađastallamat daid gávpemárkaniid ektui gosa áiggoše vuovdit, ja makkár buktagiid márkana ohcala.
- Fierpmádathuksen.
- Buvttaovdáneapmi
- Eará doaibmabijut.

Šiehtadallanbeliid vuoruhemiid ja mearriduvvon vuoruhansuorggit vuodul, ođastuvvo prográmma strategalaš plána. Vai sáhtá čuovvolit ođastuvvon strategalaš plána, de jahkásaččat ráhkaduvvo doaibmaplána oktan bušehtain.

Stivrenjoavkku sadji čielggasmahttojuvvo, ja joavkku váikkuheapmi nannejuvvo vai olaha prográmma áigumušaid. Dát mearkaša e.e. ahte stivra galgá dohkkehit strategalaš plána, doaibmaplánaid ja bušehtaid. Dasto galgá stivra maiddái dohkkehit proševttaid main gollorámma lea badjel 500,000, ja prinsihpalaš proševttaid. Sii eai evttot rievdadit stivrenjoavkku čoahkádusa ja nammadeami.

### **Vuovdaleapmi**

Šiehtadallanbealit leat lihtodan heaittihit KRO ja sadjai nammadit bohccobierggu vuovdalanlávdegotti.

Boazodoallu lea sorjavaš ahte sáhtá buktagiiddis vuovdit buoremus haddái. Hástalussan lea ahte vuovdinlađas váldá ovddasvástádusa ja aktiivvalaččat bargá vai sihkarastá bohccobierggu jođu. Danin nammaduvvo vuovdalanlávdegoddi mas galget leat čuovvovaš doaimma:

- Čađat čuovvut rievdademiid márkanis vai lea vejolaš jođánit mearridit vuovdalandoaimmaid.
- Doalahit oktavuoda bohccobiergomárkaniin ja sidjiide lámčtet dieđuid márkana ovdáneami birra, ja makkár doaibmabijut álggahuvvojit.
- Lámčtet vuovdaleami mii lea heivehuvvon bohccobirgui ja ovddasvástidit álggahit vuovdalanágggirdemiid. Lassin dása galgá lávdegoddi árvvoštallat eará vuovdalandoaimmaid mat leat dárbbaslačča dan ektui movt márkandilli áiggis áigái lea.

Lávdegoddi deaivvada dábálaččat golbmii jagis.

Lávdegoddi galgá plánet doaimmaset dan rámma ektui mii áiggis áigái lea mearriduvvon lávdegotti bargui.

Lávdegoddi nammaduvvo guovtti jahkái ain hávil, ja galgá leat dákkár čoahkádus:  
 Norgga Boazosápmelaččaid Riikkasearvi: 3 áirasa  
 Priváhta Boazonjuovahagaid Riikkasearvi (PRL): 1 áirras  
 Stáhta: 1 áirras

Lávdegotti jođiheaddji nammaduvvo šiehtadallanbeliid ráđđádallama vuodul.

Boazodoallohálldahus lea lávdegotti čállingoddi ja galgá fuolahit gohččuma, čoahkkimiid čađaheami, ja dárbbášlaš čuovvoleami ruđaid geavaheami ektui.

2010/2010 boazodoallošiehtadusas ráddjejuvvo 3,0 milj. ruvdno, das gitta 2,0 milj. Ruvnno rádjai bohccobierggu vuovdaleapmái, ja 1,0 milj. ruvnno lávdegotti eará doaimmaid čađaheapmái.

Goabbatge bealli máksá iežas goluid lávdegotti čoahkkima oktavuodas.

### **Fágareiveortnet**

Šiehtadallanbealit leat soahpan ahte ii leat lunddolaš ahte fágareiveortnet ruhtaduvvo ealáhusšiehtadusa bakte, ja ahte dat berre eret váldot boazodoallošiehtadusas. Lea lunddolaš ahte Oahpahuskantuvra bargá dan ektui ja geahččala gávdat eará ruhtadanguoluid.

### **Nissoniidda heivehuvvon doaimmat**

Galgá nammaduvvot lávdegoddi mii galgá guorahallat ja árvvoštallat gávdat čielggadanávdnasiid. Ulbmilin lea árvalit doaimmabijuid mat ovddidit dásseárvvu boazodoalus. Dán olis galgá lávdegoddi:

- Guorahallat ja vuogáidahttit gávdat ávdnasiid boazodoallonissoniid dili birra, makkár doaimmabijut árabut leat álggahuvvon, ja evttohit vuoruhemiid daid doaimmabijuid ektui mat eai leat velá čađahuvvon.
- Kártet movt NBR, Boazodoallohálldahus, Sámediggi ja LMD leat váikkuhan dásseárvvu ektui ealáhusas. Dán kártenbarggus šaddá boazodoallolága ja boazodoallošiehtadusa árvvoštallan dásseárvvu ektui leat guovddážiis.
- Bargojoavku raporta ovddiduvvo šiehtadallanbeliide ovdal 2010 golgotmánu 1.beaivvi.

### **Čoahkádus**

Bargojoavkkus galget leat 4 lahttu ja nammaduvvo ovdal 2010 cuoŋománu 1.beaivvi. NBR nammada guokte áirasa ja Boazodoallohálldahus guokte. Nubbi boazodoallohálldahusa lahtuin jođiha bargojoavkku.

### **Ruhtadeapmi**

Šiehtadallanbealit mákset iežaset goluid bargojoavkku barggu oktavuodas.

Álggahuvvon bargu ráhkadeames ja mearrideames ođđa njuolggadusaid nissonruđaid geavaheapmái manjduvvo dassážiigo bajábealde namuhuvvon bargu lea gárvis.

### **Boazodoallorusttegat, dákko bakte gárddit ja njuovvanrusttegat**

Šiehtadallanbealit leat soahpan ahte doarjagat boazodoallorusttegiidda, dákko bakte áiddiide/gárddiide ja njuovvanrusttegiidda, eanemusa sáhtta leat 50% rusttega ollislaš goluid ektui, masa iežas bargu rehkenastojuvvo. Viidáset leat bealit soahpan ahte doarjja BOF dušše galgá juolluduvvot rusttegiidda mat lea čilgejuvvon dohkkehuvvon geavahannjuolggadusain.

## **Guođohanbárttat**

Ovddasguvlui atno vuodđun ahte juohke áidna ohcamuš meannuduvvo sierra. Go geavahannjuolggadusat leat dohkkehuvvon, de mieđihuvvo doarjja daid bartaide madda geavahannjuolggadusat gusket.

## **Almmuhuvvon hattit oppalaš rehketdoalus**

NBR čujuhan bonjuvuhtii mii gaskal bruttohatti mii geavahuvvo Oppalašrehketdoalu bušeahtas, ja dan bruttohattis mii máksojuvvo boazoeaiggádii. Šiehtadallanbealit lea šiehttan ahte Ekonomalaš lávdegoddi dán galgá guorahallat vai gávnaše dan mii dán bonjuvuoda dagaha. Dát guorahallan galgá gárvvistuvvot ovdal lánkaásahus čoahkkima 2010 miessemánu/geassemánu.

## **2 Doaibmajut radioaktiivvalaš nuoskkideami geažil**

a) Kápihttal 1147 bakte lea ráddjejuvvon 2,5 milj. ruvdno 2010 máksimis goluid radioaktiivvalaš nuoskkideami oktavuodas bohccobierggus.

b) Njuolggadusat radioaktiiva doaibmajuide 2010/2011 njuovvanáigodahkii mearriduvvojit seamma vugiid mielde go boazodoallošiehtadusa lánkaásahusat.

## **3 Doaibmajut mat leat doaimmas 2010 bušeahta rájes**

Vai nanne foandda iežaskapitála ja rámma man BOF-stivra hálddaša 2010:is, de sirdojuvvo 2009 geavakeahtes 1,0 milj. ruvdno poasta 75 bakte BOF:i. Dasa lassin sirdojuvvo ovdalis nissondoaimmaide ráddjejuvvon 3,25 milj. ruvdno prošeavttaide mat gullet areálahálddašeapmái.

Oslo 2010 guovvamánu 18.beaivi

Nils Henrik Sara

Leif Forsell